

ԱՐՁԱՆԱԳՐՈՒԹՅՈՒՆ

Վայոց ձորի մարզ (Եղեգնաձոր)

Արարատյան ջրավազանային կառավարման տարածքի 2026-2031 թվականների կառավարման պլանի նախագծի ռազմավարական էկոլոգիական գնահատման հաշվետվության վերաբերյալ հանրային լսումների

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՕ-150-Ն օրենքի և Կառավարության 2023 թ. դեկտեմբերի 28-ի N2343-Ն որոշման հավելվածի՝ 2026 թ. մարտի 4-ին՝ ժամը 12:00-ին, Վայոց ձորի մարզի Եղեգնաձոր բնակավայրի մշակույթի տան դահլիճում տեղի է ունեցել Արարատյան ջրավազանային կառավարման տարածքի 2026-2031 թթ. կառավարման պլանի նախագծի շրջակա միջավայրի վրա ազդեցության ռազմավարական էկոլոգիական գնահատման հաշվետվության վերաբերյալ 2-րդ հանրային լսումը:

Հանդիպմանը մասնակցում էին ՇՄՆ «Շրջակա միջավայրի վրա ազդեցության փորձաքննական կենտրոն» ՊՈԱԿ-ի, Զրային ռեսուրսների կառավարման վարչության, «Բնապահպանական ծրագրերի իրականացման գրասենյակ»-ի ներկայացուցիչները, Համայնքի համայնքի ղեկավարը, մարզպետարանի աշխատակիցները, վարչական շրջանների ղեկավարները, բնակիչները և շահագոգիտ հանրությունը: Շրջակա միջավայրի նախարարության «Շրջակա միջավայրի վրա ազդեցության փորձաքննական կենտրոն» ՊՈԱԿ-ի ներկայացուցիչ՝ **Հ. Ֆրունզիկյանը** ողջունեց ներկաներին, ներկայացավ և ներկայացրեց հանդիպման նպատակը, այնուհետև հայտնեց, որ Համաձայն «Շրջակա միջավայրի վրա ազդեցության գնահատման և փորձաքննության մասին» (ՀՕ-150-Ն) օրենքի «Արարատյան ջրավազանային կառավարման տարածքի համար գետավազանային կառավարման պլան»-ի նախագիծը դասակարգվում է որպես հիմնադրության փաստաթուղթ և ենթակա է փորձաքննության: Փաստաթղթի ռազմավարական էկոլոգիական գնահատման հաշվետվությունը ուղղարկվել է տարբեր նախարարություններ և շրջակա միջավայրի մասնագիտական ստորաբաժանումներ որոնք իրենց առաջարկություններն ու դիտողություններն են ներկայացրել, փորձագետի կողմից փորձաքննվել է և ուղղարկվել է լրամշակման, որը լրամշակվել է նախաձեռնողի կողմից: Այնուհետև ներկայացրեց տվյալ փաստաթղթով սահմանված միջոցառումները: Ներկայացնելուց հետո խոսքը փոխանցեց նախաձեռնող կողմի ներկայացուցչին և խնդրեց մանրամասն ներկայացնի նախատեսվող գործունեությունը: **Ն. Ճզմաչյանը** ներկայացրեց «Արարատյան ջրավազանային կառավարման տարածքի

համար գետավազանային կառավարման պլան»-ում ընդգրկված շրջակա միջավայրի վրա հիմնական ճնշումները և դրանց ազդեցությունը նվազեցնող, նախատեսվող միջոցառումների շրջանակը: Նշվեց, որ Կառավարման պլանի նպատակներից են. 1) հավասարակշեւ տարբեր ոլորտների ջրօգտագործողների և շրջակա միջավայրի փոխկապակցված հարաբերությունները, 2) պահպանել մակերևութային և ստորերկրյա ջրային ռեսուրսները, 3) բարելավել տարանջատված ջրային մարմինների որակական և քանակական կարգավիճակները, 4) կանխարգելել տարանջատված ջրային մարմինների հետագա վատթարացումը, 5) աջակցել ջրային ռեսուրսների կառավարմամբ զբաղվող մարմիններին, քաղաքականության մշակողներին և հանրությանը՝ ջրային ռեսուրսների ոլորտում կայացման գործում, ներկայացրեց կառավարման պլանի մշակման նախադրյալները և ինստիտուցիոնալ շրջանականները: Համառոտ ներկայացրեց ԿՊ-ի բովանդակությունը և ավելի մանրամասն՝ Վայոց ձորի մարզի համար նախատեսվող միջոցառումները, որոնք կնպաստեն խնդիրների լուծմանը, ինչպես նաև ջրի որակի անմիջական բարձրացմանն ուղղված՝ մասնավորապես կեղտաջրերի մաքրման կայանների կառուցման միջոցով, ջրամբարաշինության և աղբահանության կազմակերպման միջոցով:

Համայնքի վարչական ղեկավարները ներկայացրեցին իրանց կողմից անհրաժեշտ բոլոր միջոցառումները և հորդորեցին որ կառավարման պլանում ներառվի, քանի որ թվարկված միջոցառումները՝ մասնավորապես Խաչիկի պոմպակայանի կառուցումը խիստ անհրաժեշտ է:


Ն.Ճզմաչյանը գրի առավ բոլոր դիտարկումները և հավելեց որ կքննարկվի և ըստ անհրաժեշտության կներառվի կառավարման պլանում:

Ծավալվեց ընդհանուր քննարկում հիմնական խնդիրների շուրջ՝ ջրամբարների կառուցման հարցերը, մաքրման կայանների կառուցման տեղերը, միջոցառումների իրականացման համար ֆինանսների ձեռքբերման խնդիրները:

Այլ հարցեր չինչեցին **Հ. Ֆրունզիկյանը** շնորհակալություն հայտնեց ներկաներին և ամփոփեց հանդիպումը:

Հանրային լուծման պատասխանատու և վարող՝ Շրջակա միջավայրի վրա ազդեցության փորձաքննական կենտրոն «ՊՈԱԿ»՝


«ՇՄԱՓԿ» ՊՈԱԿ-ի ներկայացուցիչ՝



Հ. Ֆրունզիկյան

Բնապահպարական ծրագրերի

իրականացման գրասենյակի ներկայացուցիչ՝



Հ. Հակոբյան